



華陽國志卷第九

李特雄壽勢志

李本無勢字

李特字玄休略陽臨渭人也祖世本巴西

宕渠賓民種黨勁勇俗好鬼巫漢末張魯

居漢中以鬼道教百姓賓人敬信值天下

大亂自巴西之宕渠移入漢中魏武定漢

中曾祖父虎與杜朴胡約楊車李黑等移

于略陽北土復號曰巴人特父慕為東

羗獵將特兄弟五人長兄輔字玄政次特

特弟庠字玄序庠弟流字玄通流弟驥字

玄龍皆銳驍有武幹特長子蕩字仲平好
學有容觀少子雄字仲雋初特妻羅氏夢
雙虹自門昇天一虹中斷羅曰吾二兒若
有先亡在者必大貴雄少特辛冉劉李本作每下並同相當貴
有劉化者道術士也言關隴民皆當南移
李氏子中惟仲雋天姿竒異終為人主鄉
里人多善之與叔父庠並劉李本作誤以烈氣聞人多
歸之既克成都衆皆飢餓劉李本作誤讓乃將民入郾
王城食穀李本作羊雄遣信奉迎范賢欲推戴
之賢不許更勸雄自立永興元年冬十

李本傳

月揚褒揚珪共勸雄稱王雄遂稱成都王
追尊曾祖庸曰巴郡公祖父慕隴西王父
特景王母曰太后追謚世父輔齊烈王仲
父庠梁武王仲武流秦文王兄蕩廣漢壯
文公以叔父驤為太傅庶兄始為太保外
兄李國為太宰國弟離為太尉從弟雲為
司徒璜為司空閻戎為尚書今褒為僕射
發為侍中珪為尚書洪為益州刺史徐興
鎮南王達軍師具置百官下赦建元太武
迎范賢為丞相從弟置流子也以不陪列

誅之賢既至尊為天地太師封西山侯復其部曲軍征不預租稅皆入賢家賢名長生一名延久又名九重一日支字元涪陵利李本誤培丹興人也 光熙元年雄稱皇帝改元晏平 永嘉三年羅美旬琦等殺李離於梓潼時閻式去雄依離并見殺驤攻不克時李雲李璜皆戰死 明年文碩殺李國以巴西梓潼為晉平寇將軍李鳳在晉壽梁州先已為雄所破不守而譙登在涪平西參軍向奮屯漢安之宜福張羅屯平無

逼雄雄將張寶弟全在旬琦中雄遣寶反為奸許以代離寶素凶勇先殺人而後奔梓潼密結心腹會羅尚遣使慰勞琦琦等李本作還出送其使寶從後閉城門琦等奔巴西雄得梓潼拜寶為太尉雄自攻奮奮走遣驤攻登登初將驤子壽欲以誘驤被攻急救援不至還驤壽 五年春驤獲登遣李始督李鳳攻巴西殺文碩是歲雄姨弟任小受張羅募手及雄頭雄幾死改元玉衡是後扶風鄧芝楊虎等各率流民前後數千

家入蜀以鳳為征北梁州任回鎮南南夷
寧州李恭征東南蠻荆州皆大將軍校尉
刺史雄驤劉本誤郵勤卹百姓於內鳳回恭招流民
於外稱有功氏符成隗文既降復叛手傷
雄母及其來也咸釋其罪厚加待納皆以
為將天水陳安舉隴右來降武都氏王楊
茂搜奉貢稱臣杜弼自湘州使使求援晉
涼州刺史張駿遣信交好漢嘉夷王冲遣
子入質頃之朱提劉本何李本二字作正燭率民歸降建寧爨量
蒙嶮委誠其餘附者日月而至雄乃虛已

受人寬和政役遠至邇安年豐穀登乃興
文教立學官其賦民男丁劉本何李本作一壹歲穀三斛女
丁一斛劉本作斛五斗疾病半之戶調絹不過數丈
綿不過數兩事少役稀民多富實至乃閭
門不閉路無拾遺獄無滯囚刑不濫及但
為國威儀無則官無秩祿職署委積班序
無別君子小人服章不殊貨賄公行懲勸
不明行軍無號令用兵無部伍其戰勝不
相讓敗不相救攻城破邑動以虜獲為先
故網紀莫稱李鳳在北數有戰降之功

時蕩子稚屯晉壽害其功

李本作天

興元年鳳

以巴西叛驤討之久住梓潼不敢進雄自

至涪驤遂斬鳳以壽代鳳以知州征事

二年驤伐越雋又分伐朱提三年獲太

守西夷校尉李釗夏進伐寧州大敗於

螳螂還初氏王楊茂搜子難敵堅頭為

劉曜所破奔晉壽晉壽守將李稚蕩第二

子也受其賂遺不送成都曜既引還稚遣

難敵兄弟還武都遂即叛稚推悔失計連

白雄求伐氏雄許之羣臣多諫雄不從遣

稚兄瑒以侍中中領軍統稚攻難敵由白

水道壽遣與稚弟玠由陰平入二道討氏

難敵等先拒壽玠玠壽不進而瑒稚徑至

下辨以深入無繼大為氏所破稚瑒皆死

死者千餘人雄深自咎責以謝百姓瑒蕩

之元子有名望志尚雄欲傳以後嗣甚痛

惜之雄妻任無子養瑒弟班為子雄自

有庶子十五人羣臣上立嗣雄曰孫仲謀

割有江東伯符基兆子止侯爵國志耻之

宣公舍子立弟君子以為知人吾將彌縫

國志之耻以繼宣公之美讓與司徒王達
諫以為不可雄不從永昌元年冬立班
為太子驤泣曰亂始於是英泰寧元年
越雋斯叟反攻圍任回及太守李謙遣其
征南費黑救之咸和元年夏斯叟破
二年謙移郡民於蜀三年冬驤死追贈
相國謚曰漢獻王壽以喪還拜珩征北梁
州代壽以班行撫軍將軍脩晉壽軍屯
五年拜壽都督中外諸軍大將軍中護軍
西夷校尉銀尚書摠統如驤冬壽率征

南費黑征東任郡伐巴東至建平監軍母
丘奧退保宜都六年春壽還遣任邵屯巴雄
以子越為車騎住廣漢秋壽伐陰平
冬城涪縣七年秋壽南征寧州以費黑
為司馬與郡攀等為前軍由南廣入又別
遣任回子調由越雋冬十月壽黑至朱
提朱提太守董炳固城寧州刺史尹奉遣
建寧太守霍彪大姓麤深等助炳時壽已
圍城欲逆拒之黑曰料城中食少霍彪等
雖至齎糧不多宜令人入城共消其穀猶

嫌其少何緣拒之彪等皆入城城久不下
壽欲急攻之黑諫曰南道險俗好反亂宜
必待其詐勇已困但當日月制之全軍取勝
以求有餘劉奉先本無作惡溷牢之物何足汲汲也壽必欲
戰果不利乃率以軍事任黑劉奉先八年春正
月炳彪等出降威震十三郡劉奉先三月刺史尹
奉舉州委質遷奉於蜀壽領寧州南夷初
平威禁甚肅劉奉先後轉凌掠民秋建寧州民
毛衍羅屯等反殺太守邵攀李本作柯太守謝
恕舉郡為晉壽破之九年春分寧州置

交州以霍彪為寧州建寧麤深為交州刺
史封壽建寧王張駿使叅軍傅穎治中
張淳遺雄書勸去尊號稱藩於晉雄引見
謂曰吾過為士大夫所推然本無心於帝

王也貴州將令行河沙常所希冀進思共
為晉室元功之臣退思共為守藩之將掃
除氛埃以康帝宇而晉室陵遲德聲不振
引領東望有年月矣會獲來貺情鈞李本作均閣至
有何已已穎淳以為然使聘相繼巴郡
嘗告急云有東軍雄曰吾常慮石勒跋扈

侵逼瑯琊以為耿耿不圖乃能舉軍使人
欣然雄之雅談多如此類 三月壽還夏

六月癸亥雄疾病卒時年六十一偽謚曰

武帝廟稱太宗凡自立三十年 冬十二

月丙寅葬成都墓號安都陵也

劉宋本誤班下班字世文蕩第四子也少見養於雄年十

六立為太子好學愛士每觀書傳謂其師

友天水文夔隴西董融等曰吾見周景王

太子晉魏太子丕吳太子孫登文章鑒識

超然卓絕未嘗不有慙色何古人之難及

乎進止周旋勤於咨問但性輕躁失在田

獵 甲子襲位玠來奔喪勸遣雄子越還

江陽而欲令期代已知此事班以未葬不

許遣玠還涪 冬十月癸亥期越殺班於

臨次并殺班仲兄領軍都弟玠奔晉期偽

謚班曰廢太子壽追謚曰哀皇帝子幽顯

為期所殺班兄弟五人皆兵死四人無後

玠在晉歷巴郡襄陽宜都太守龍驤將軍

永和三年從征西於山陽戰死也期字世

運雄第四子也母冉賤雄妻任養為子少

攻學問有容觀雄時令諸子各募合部曲
多者纔得數百人而期獨得千餘人為安
東將軍雄亡越自江陽來赴喪兄弟快快
既以班非雄所生又慮玠不利已與兄越
密謀圖班太史令韓約上言宮室有陰謀
兵氣戒在親戚班不悟遂因夜哭越殺班
期自立以越為相國與壽並錄尚書事進
壽大都督徒封漢王使討玠於涪封越建
寧王以仲兄霸為中領軍鎮南弟保鎮西
西夷校尉汝山太守從兄始征東代越皆

大將軍

玠走即拜壽梁州知北事

咸

熙元年春正月立妻閻氏為后下赦改元

玉恒

秋以司隸景騫為尚書令征南費

黑為司隸班舅羅演為僕射

舅羅演與

劉吳何李本傳容

漢王相天水上官澹謀襲期立班子幽謀
泄殺澹并誅班母羅瑒子礮稚妻咎二年
忌從子載多才藝託他事誅之而霸保皆
暴病死於是大臣自疑骨肉不相親而期
志益廣忽慢父時公卿政刑失錯 四年
夏四月壽自涪還襲期假以誅越騫為言

越請散財募士格戰期謂壽不自薄不許
既誅越騫初廢期為邛都縣公五月乃
殺期及誅李始等殺兄弟十餘人期死時
年二十四謚曰幽王五年徒其妻子於
越雋勢又使人就越雋誅其子劉本無字壽字武
考有幹局愛尚學義志度少殊於諸子雄
竒之自代父為將志在功名故東征南伐
每有効事劉本本作效雄疾病侍疾左右左右侍臣造
雄顧命寄託於壽期之殺班也李始初
欲附壽圖共討期壽不敢始怒說期取壽

憚李玨在北欲藉壽討之故許壽既受漢
封北伐玨告以去就利害假道故玨得由
巴順水東下吳壽雖代吳何本作代鎮涪歲終當入
朝覲常自危李本作懼嫌輒造漢中守將張才急書
告方外寇警咸康二年冬北入漢中破
走司馬勲壽見期越兄弟十餘人年方壯
大而手下有強兵懼不自全數聘命高士
巴西龔壯壯雖不應恐見害不得已數見
壽時岷山崩江水竭壽緣劉向之言而惡
之每謀壯以自安之術壯之父及叔皆為

特所殺欲假手報讎未有其由因說立事
何如舍小從大以危易安開國裂土長為
諸侯名高桓桓文勲流百代矣壽從之陰與
長史略陽羅恒恒巴西解思明共謀據成都
為晉稱藩會養弟攸從成都病還死道中
乃佯言越藥殺之又詐造妹婿任調書言
期越當廢壽以惑羣下羣下信之乃誓文
武許賞城中資財得數千人南攻成都子
勢為開門內應遂獲期越誅其宗族十餘
人兵入虜掠民家奸淫雄公主及李氏諸

婦多所殘害數日迺定恒與思明及李奕
王利等勸壽稱鎮西將軍益州牧成都正
以壯為長史告下又勸令送期於晉任調
與司馬蔡興侍中李艷及張烈等勸壽自
立壽赤生心遂背思明所陳之計稱漢皇
帝尊父驤曰獻帝母荀氏曰太后下赦改
元漢興以恒原作恒為尚書令思明為廣漢太守
任調鎮北梁州知東羌校尉李奕鎮西西
夷校尉更伐諸郡反卿佐皆用宿人及巴
叅佐省交州以從子權為鎮南南夷寧州

於是成都諸李弟無復秉兵馬形勢者雄
時舊臣及六郡人皆斥廢也 秋七月李

弈從兄乾與大臣合謀欲廢壽壽懼使子

廣與大臣盟要為兄弟進李閔為征東荆

州移鎮巴郡 八月天連陰雨禾稼傷損

百姓飢疫草莽臣龔壯上封事曰臣聞陰

德必有陽報故于公理獄高門待封伏惟

獻皇帝寬仁厚惠宥罪甚眾靈德洪洽誕

鍾陛下陛下天性忠篤受遺建節志齊周

霍誠貫神明而志緒違理顛覆顧命管蔡

既興讒諛滋蔓大義滅親撥亂濟危上指

星辰昭告天地歆血明眾舉國稱藩天應

人悅白魚登舟霆震助威烈風順義神誠

允暢日月光明而論者未喻權時定制淫

雨汜瀆垂向百日禾稼損傷加之飢疫百

姓愁望或者天以監示陛下又前日之舉

止以救禍陛下至心本無大圖而今久不

變天下之人誰復分明知陛下本心者哉

且玄宮之讖難知而盟誓顧違一旦墮場

有急內外騷動不可不深思長久之策永

劉晏何李本字弟字作受文

李本作永

劉晏何李本字弟字作受文

李本謀盟

劉晏何李本字弟字作受文

為子孫之計也愚謂宜遵前盟誓結援吳會以親天子彼必崇重封國歷世雖降階一等永為靈德宗廟相承福劉吳何李本承祉無窮君臣銘勲於上生民寧息於下通天下之高理弘信慎之美義垂拱南面歌詩興禮上與彭常爭美下與齊晉抗德豈不休哉論者或言劉李本作一二州人附晉必榮六郡人事之不便昔豫州入蜀荆楚人貴公孫述時流民康濟及漢征蜀殘民大半鍾鄧之役放兵大掠誰復別楚蜀者乎論者或不達安固之

基惜其名位在昔諸侯自有卿相司徒司空宗魯皆然及漢藩王亦有丞相今義歸彼但當崇重豈當減削昔劉氏郡守令長方仕州郡者國亡主易故也今日義舉主劉李本誤為榮臣賴寧可同日而論也論者又謂臣當為法正陛下覆臣如天養臣如地恣臣所安至於名榮漢晉不處臣復何為當侔法正論者或言晉家必責質任及徵兵伐胡何以應之案晉不煩尺兵一國來附威卷四海廣地萬里何任之責胡之在北亦此

之憂今平居有東北之虞縱令徵兵但援漢川猶差二門耳臣託附深重忘疲病之穢實感殊遇冀以微言少補明時常懼殞歿不寫愚心辜負恩顧謹進恫恫伏願罪戮壽不悅然拘前言秘藏之 九月僕射任顏雄妻弟也謀反誅并殺雄子約等五年春二月晉將伐巴郡獲李閔閔恭子也初受許自牛鞞以東土斷與閔執政者以為不可乃止復不益兵故覆沒閔弟艷以是怨故與朝右有隙是時壽疾病恒思

原作指

明等復議奉晉計尋巴郡破壽以為附晉晉當以兵威故不能自斷遂輟計 三月

拜李奕鎮東代閔

李本作伐

夏建寧太守孟彥率

州人縛寧州刺史霍彪於晉舉建寧為晉

劉李本誤又

遣右將軍李位都討之時權在越嵩 秋

又遣尚書廣漢李攄為御史入南中攄祖毅晉故寧州刺史以向與南人有舊故遣之攄從兄演自越嵩上書勸壽歸正返本

釋帝稱王壽怒殺之車騎將軍王韶為叅

軍李本小注在書明右車騎將軍王韶為叅軍九字前後文不相屬不知記何事也今仍舊本存此九字於後以待改

晉康帝建元元年壽卒勢立改元太和太
史令韓皓上言熒惑守心乃宗廟不修之
譴勢乃更命祀成始祖太宗皆謂之漢勢
之弟大將軍廣以勢無子求為太弟勢不
許馬當解思明固請許之勢疑與廣有謀
收當思明斬之廣自殺思明彼收歎曰國
之不亡以我數人在也今其殆矣思明有
智略敢諫諍馬當素得人心及其死士民
無不哀之冬李奔自晉壽舉兵反單騎突
門門者射殺衆潰勢大赦境內改年嘉寧

劉吳何李本並作馬

勢勇驕淫不恤國事中外離心蜀土無獠魯皓

李本在書頭

切西南夷別族至是始從山出自巴至犍為梓潼布

滿山谷大為民患加以飢饉境內蕭條三

年春二月桓温伐蜀軍至青衣勢大發兵

遣督堅等將之李本在書頭自山陽趣合水諸將

欲設伏江南以待晉兵督子感切姓也督堅不從引兵自

江北鴛鴦碕渡向犍為李本在書頭温自將步

卒直指成都督堅至犍為乃知與温異道

還自沙頭津濟北李本作比温已軍於成都之十

里陌堅衆自潰勢率衆出戰于笮橋李本作於

李本在書頭

中書監王嘏散騎常侍常璩勸勢降勢乃
夜開東門走至葭萌使散騎常侍王幼送
降文於溫勢至建康封歸義侯

李氏自起事至亡六世四十七年正僭號
四十三年蜀中亦有恠異期時有狗豕交
木冬榮勢時涪陵民樂氏婦頭上生角長
三寸凡三截之又有民馬氏婦妊身兒脇
下生其母無恙兒亦長育有馬生駒一頭
二身相着六耳一牡一牝又有天雨血於
江南數畝許李漢家舂米自臼中跳出遽

斂於箕中又跳出寫於篋中又跳出有猿
居鳥巢至城下地仍震又連生毛其天譴
不能詳也

譔曰特流乘釁險害雄能推亡固存遭皇
極不建遇其時與期倡為禍階而壽勢終
之詩所謂亂離瘼矣爰其適歸者也長老
傳譙周識曰廣漢城北有大賊曰流曰特攻
難得歲在亥宮自相賊終如其記先識預
覩何異古人乎歷觀前世偽僭之徒縱毒
虔劉未有如茲每惟殷人丘墟之歎賈生

過秦之論亡國破家其監不遠矣

列本按字頂格按常璩華陽國志目錄第九卷及序志

皆云述李特雄期壽勢志則勢固有志

也今諸本皆無之意者傳寫脫漏因循

不錄遂失之爾今本諸通鑑所述參以

載記所書續成勢志用補其闕以俟後

之博洽博李本亦誤博君子云又史載散騎常侍常璩實

勸李勢降桓温璩必作志者因續記此云

華陽國志卷第九

元夕校 八月二十六日又校

蜀郡及廣漢犍為士女譜并注華
明利本全闕巴郡士女此本亦闕

華陽國志卷第十上

先賢士女摠讚

舍和誕氣人倫資生必有賢彥為人經紀

宣德達教博化李本譜篤俗故太上立德其次立

功其次立言品物煥炳彞倫攸叙也益梁

爰在前代則夏勳配天而彭祖體地及至

周世韓股將命蔓子忠堅然顯者猶鮮豈國

史簡闕亦將分以秦楚希預華同自漢興

以來迄乎魏晉多士克生髦俊盖世愷元

之疇感于帝思於是璽書交馳於斜谷之

南東帛戔戔于梁益之鄉或迺龍飛紫閣
李本作允陟璿璣亦有磐石利居經綸皓素其軌
懷道術服膺六藝翹車之招旃旌之命徵
名聘德忠臣孝子烈士賢女高劬足以振
玄風顛淑可以方蘋蘩者奕世載美是以
四方述作來世志士莫不仰高軌以咨詠
憲洪猷而儀則擅名八區為世師表矣故
耆舊之篇較義史漢而今志州部區別未
可摠而言之用敢撰約其善為之述讚因
自注解甄其洪伐尋事釋義略可以知其前

前前言往行矣

蜀郡士女

嚴平恬泊皓然沉冥

嚴遵字君平成都

人也雅性澹泊學業加妙專精大易孰

於老莊常卜筮於市假著龜以教與人

子卜教以孝與人弟卜教以悌與人臣

卜教以忠於是風移俗易上下慈和日

閱得百錢則閉肆下簾授老莊著指歸

為道書之宗揚雄少師之稱其德杜陵

李強為益州刺史謂雄曰吾真得君平

劉李本作揚下

劉本此注在何以加諸句下
李本書頭注云按君平本莊姓避漢諱改
嚴今人但知嚴姓而不知為莊也嚴子陵
亦然

矣雄曰君但可見不能屈也強以為不
然至州脩禮交遵遵見之強服其清高
而不敢屈也歎曰揚子雲真知人也年
九十卒雄稱之曰不慕夷則劉李本作即由矣不作
苟見不治苟得久幽而不改其操雖隨
和何以加諸

仲元抑抑邦家儀刑 李弘字仲元成都

人少讀五經不為章句處陋巷 淬勵金
石之志威儀容止邦家師之以德行為
郡功曹一月而去子贄以見辱殺人太

守曰賢者之子必不殺人放之贄自以
枉語家人弘遣亡命太守怒讓弘弘對
曰贄為殺人之賊明府私弘枉法君子
不誘而誅也石碣殺厚春秋譏之孔子
稱父子相隱直在其中弘實遣贄太守
無以詰也州命從事常以公正諫爭為
志揚子雲稱之曰李仲元為人也 不屈
其志不累其身不夷不惠可否之間見
其兒者肅如也觀其行者穆如也聞其
言者愀如也非正不言非正不行非正

不聽吾先師之所畏

子雲玄達煥乎弘聖揚雄字子雲成都人也少貧好道家無石之儲十金之費而晏如也好學不為章句初慕司馬相如綺麗之文多作詞賦車騎將軍王音成帝叔舅也召為門下史薦待詔上甘泉羽獵賦遷侍郎給事黃門雄既升祕閣以為辭賦可尚則賈誼升堂相如入室武帝讀大人賦飄然有凌雲之志不足以諷諫乃輟其業以經莫大於易

劉本設韻

故則而作太玄傳莫大於論語故作

法言史莫善於蒼頡故作訓纂箴諫莫

李本作纂

美於虞箴故作州箴賦莫弘於離騷故

反屈原而廣之典莫正於爾雅故作方

言初與劉歆王莽董賢同官並至三公

雄歷三帝獨不易官辭七十一卒自劉

向父子相譚等深敬服之其玄源淵懿

後世大儒張衡崔子玉宋仲子王子雍

皆為注解吳郡陸公紀尤善於玄稱雄

聖人雄子神童烏七歲預雄玄文年九

四

劉本此注在年九歲而卒句下
李不書頭注曰按揚子雲揚姓從才不
從木

歲而卒

林生清寂莫得而名 林間字公孺臨邛

翁字之誤

人也善古學古者天子有輜車之使自

漢興以來劉向之徒但聞其官不詳其

職惟問與嚴君平知之曰此使考八方

之風雅通九州之異同主海內之音韻

使人主居高堂知天下風俗也揚雄聞

而使之因此作方言問隱遯世莫聞也

泛鄉忠貞貞社稷是經進賢為國稽攷典刑

愛莫助之身殞朝傾 何武字君公郫人

也初以對策甲科為郎歷揚兖州刺史

司隸校尉京兆尹清河楚沛太守廷尉

御史大夫成帝初具三公拜大司空封

泛鄉侯侯劉李本作侯為人忠厚公正推賢進士在楚

至兩龔在沛厚兩唐臨司隸致茂陵何

並居公位進辛慶忌皆世名賢臨州郡

雖無赫赫之名及去民思之才雖不及

丞相薛宣翟方進而正直過之哀帝即

位呂朱博趙玄為公鄉用事免官諫大

夫鮑子都亟言訟之丞相王嘉亦以為

劉李本重赫字

本重思字依劉李本刪

劉李本作博

慨帝復衡武為御史大夫徙前將軍時
大司馬新都侯王莽避帝外家丁傳氏
遜位亦以列侯見衡哀帝詔博劉孝本作博舉太常
莽從武求舉武以莽奸人之雄不許哀
帝崩王太后莽姑也即日引莽入收
大司馬董賢印綬詔舉大司馬丞相孔
光等逼王氏皆舉莽武與左將軍公孫
祿謀曰莽五父世朝權傾人主必危劉
氏乃舉祿祿亦舉武太后不從用莽為
大司馬莽諷有司劾奏皆免武就國後

莽寢盛遂為宰衡安漢公欲圖篡漢憚
武與其叔紅陽侯王立不從元始三年
因呂寬吳章事檻車徵武武自煞象咸
究之莽欲厭象心謚武曰刺侯子况嗣
平帝崩莽因居攝後僭王位

叔

張寬字叔文成都人也蜀承秦後質文
刻野太守文翁遣寬詣博劉孝本作博士東受七經
還以教授於是蜀學比於齊魯巴漢亦
化之景帝嘉之命天下郡國皆立文學

由翁唱其教蜀為之始也寬從武帝郊
甘泉泰時過橋見一女子裸浴川中乳長
七尺曰知我者帝後七車適得寬車對
曰天有星主祠祀不齊潔則作女令見
帝感寤劉李本誤寤以為揚州刺史復別地莽之妖
世稱云七車張作春秋章句十五萬言
長卿彬彬文為世矩司馬相如字長卿
成都人也遊京師善屬文著子虛賦而
不自名武帝見而善之曰吾獨不與此
人同世揚得意對曰臣邑子司馬相如

所作也召見相如相如又作上林賦帝
悅以為即又上大人賦以風諫制封禪
書為漢辭宗官至中郎將世之作辭賦
者自揚雄之徒咸則之

劉李本作子

王淵豔麗蔚若華圃王褒字子淵資中

人也以高才文藻侍宣帝初為王褒作
樂職中和頌宣帝時又上甘泉洞簫賦
帝善之令宮人誦之為諫大夫卒

子山翰藻遺篇有厚揚終字子山成都
人也年十三已能作雷賦通屈原七諫

章後坐太守徙邊作孤憤詩明帝時與班固賈逵並為校書郎刪太史公書為十餘萬言作生民詩又上符瑞詩十五章制封禪書著外傳十二卷章句十五萬言皆傳於世者

少遷猛毅垂勲三拜

陳立字少遷臨邛

人也成帝時犇柯有辭將軍王鳳薦立

李本作柯

亂

為太守克平禍亂徙守巴郡秩中二千石治有尤異又徙天水太守為天下最天子賜黃金四十斤入為左衛護軍

李本作護衛志校正

世公賦政祥瑞來同

王阜字世公成都

人也太守第五倫察舉孝廉為重泉令

有鸞鳥集于文學十餘日遷益州太守

劉李本作於

神馬出滇池河甘露降白鳥見民懷之

如父母

猗歎文父叡發幼童德澹會稽道崇辟雍

張霸字伯饒謚曰文父成都人也年數

歲以知禮義諸生孫林劉固段著等宗

之移家其字下啓母求就師學母憐其

雅對曰饒能故字伯饒也為會稽太守

撥亂興治立文學學徒以千數風教大
行道路但聞誦聲百姓歌詠之致達名
士顧奉公孫松畢海胡母官萬虞先王
演李根皆至大位在郡十年以有道徵
拜議郎遷侍中遂授霸五更尊禮於文
學年老卒塋河南

少府委遲作卿作師惠校改字趙典字仲經成都

人也太尉戒孫也李本作世惠校改侍與潁川李膺等並號
八俊三為侍中自樂祿俸施貧方授國
師未拜病卒

何揚研神貫奧入微何英字叔俊耶人

也揚由字哀侯成都人也二子學通

經緯英著漢德春秋十五卷孫汶字景

由亦深學初徵揚上日食盜賊起有劾為

謁者京師旱請雨即澍遷犍為屬國著

冊務論三十篇卒揚由為太守廉范文

學范稱能治由言當有賊發頃之廣柔

羗反寇殺長姚超鄉人冷豐齋酒候之

值客未內由為知其多少又言人當致

菓其色赤黃果有送甘橘者大將軍實

憲從太守索雲氣圖由諫莫與尋憲受
誅其明如此著書十篇而卒

司農明允國憲是維任昉字文始成都

人也初為葉令治奸賊七十餘人遷梁

相尚書令清身檢下大將軍梁冀憚之

出為魏郡徙平原歲出租稅百萬冀誅

復入為尚書令司隸校尉遷大司農卒

弟愷徐州刺史亦有治名昉父循字伯

度為長沙太守得其父時為五官事在

精通也

翁君美秀牧後寤機劉李本誤寤何霸字翁君司空

武兄也為郡戶曹刺史王尊將之官移

諸郡不得遣迎太守唯霸白宜往太守劉李本作修

遣霸尊大怒霸對曰太守遣霸非脩敬

也以去京師久遲知朝廷起居耳尊遽

下車持節對之因竒霸容止辟為別駕

舉秀才為屬國中即將弟關穎川太守

兄弟五人皆有名

伯騫推賢求善如飢劉李本誤饑柳宗字伯騫成都

人也初結九友共學號九子及為州郡右

職務在進賢拔致求次方張叔遼王仲
曾殷智孫等終至牧守州里為諺曰得
黃金一筭不如為伯騫所議舉茂才為

陽夏太守

文侯

李本誤仰

印極位台衡

文侯

侯

趙戒字志伯

少府典祖也父定以遊俠稱戒順桓帝

之世歷司徒太尉登特進列本誤特屢居公輔免

憂患于無妄之世告歸于蜀薨家

太尉頡頏志振頹綱 趙謙字彥信戒孫

也歷位卿尹初平元年為太尉時董卓

秉政欲遷天子長安謙與司空荀爽固

諫卓不聽以為車騎將軍奉大駕西幸

封洛亭侯拜司隸校尉忤卓指免討白

波賊有功封侯進司徒免拜尚書令大

僕三年薨謚曰忠侯

司徒繼踵侷俛權橫 趙溫字子柔謙弟

以侍中與同輦西遷封江南亭侯兄亡

初平四年拜司空未基進司徒當世榮

之時車騎將軍李傕與董承張濟等爭

權數遷移天子溫以書切責於傕李本誤傕天子

聞為寒心尋曹公入徙天子都許政出
諸侯禮待溫居公位十五年建安十三
年薨

猶操道柄董李是讓 讓責也董卓李催

凶擅謙溫干之初文侯與李固胡廣議

劉本誤字

立清河王蒜而冀欲立蠡吾趙戒脅而

從之使李固枉死君子以為卓催之惡

李本亦誤

甚於梁冀謙摩卓之牙溫弄催之爪雖

逼權勢以道陳訓賢其祖遠矣

侍中授命分節亦章 常洽字茂居江原

劉本亦誤

人也自荊州刺史遷京兆尹侍中張水

校尉以兵衛大駕西幸催等作難常侍

衛天子左右為催所煞

蠻夷猾擾倡亂南壇子恭要傳醜穢于攘

揚竦字子恭成都人也永初中越雋永

昌夷反殘破郡縣衆十萬餘刺史張喬

以竦勇猛授從事任平南中竦先以詔

李本作諭

書告諭不服乃加誅煞虜三萬餘人獲

生口千五百人財物四千萬降夷三十

六種舉正奸濁長吏九十人黃綬六十

人南中清平會被傷卒喬舉州弔贈列
畫東觀

伯春孟元斥正時君 張充字伯春 李

兗字孟元江源人也 充充為治中從事時

刺史恃豪每見從事布席地坐已自安

高床上充入閣不肯進刺史寤乃更禮

從事刺史辟公孫特大姓捷為李威橋

稚充曹闕事節時有水灾倫受刺史指

以漢中斗平不足表聞兗固爭之後刺

史至與倫不平求郡短劾倫不言水灾

兗對以詔書上災異不得由州倫遷司

空辟兗掾劉季本作孫兗居希切說文

揚羅為小遺愛在民 揚班字仲桓桓成都

人也 羅衡字仲伯郫縣人也俱師徵

士何初山班為不常茂陵令治化浹洽

徙西城閭中令號時名宰衡為萬年令

路不拾遺人家牛馬皆繫道邊曰屬羅

公三府爭辟拜廣漢長二縣皆為立祠

小伯温恭預圖息紛 陳湛字小伯成都

人也歷數縣令民皆懷之州辟治中從

事廣漢太守遣子詣州脩歡交使君欲

劉李本作修

納湛諫不可失羔羊義使君從之後有

劉李本作私

言州郡秋交者考之無得乃明也

劉李本誤

孟由至孝遐葉晞風禽堅字孟由成都

人也父信為縣史越雋為夷所得傳賣

劉李本作姓

歷十一種去時堅方妊六月生母更嫁

堅壯乃知父湮沒鬻力傭賃求碧珠以

求父一至漢中三出徼外周旋萬里經

六年四月突瘴毒狼虎乃至夷中得父

父相見悲感夷徼哀之即將父歸迎母

致養州郡嘉其孝召功曹辟從事列上
東觀太守王商追贈孝廉令李苾為立
碑銘迄今祠之

仲昱勉師仲昱成都人也少受學於嚴

季后季后為汶江尉書呼仲昱仲昱許

十月往會夷反斷道仲昱期於往經渡

六千幾死數年卒得至汶江為季后陳

策俱得免難遠近歎之

叔本慕仁任末字叔本繁人也與董奉

德俱學京師奉德病死推鹿車送其喪

師亡身病齋棺赴之道死遺令勅子載喪至師門叙平生之志也

伯禽證將

朱普字伯禽廣都人也為郡

李本誤公惠校改功

功曹太守與刺史王冀有隙枉見劾普

詣新都獄掠笞連月肌肉腐臭惡同死

人證太守無事勅其子曰我死載喪詣

闕使天子知我心事得情理普以烈聞

劉李本無理字

文寺代君

李磬字文寺嚴道人為長

章表主簿旄牛夷叛入攻縣表倉卒走

鋒刃交至磬傾身捍表謂虜曰乞煞我

活我君虜乃煞之表得免太守嘉之圖

象府庭

李本空一格 刻本誤以此八字為讀詞連屬正文文師也以下始提行作注文

在三義敦終始可稱一人_勢生於三事若一君

父師也言人靡不有初鮮克有終普磬

可謂能終始也

炎光中微巨述僭亂 炎火光也漢以火

德王自高祖至平帝十二世國嗣三絕

李本作篡

平帝早崩安漢公王莽字巨君遂篡天

子位稱新室皇帝而茂陵公孫述字子

陽為莽導江卒正遂僭號于蜀

章王刎首 章明字公孺新繁人也 王
皓字子離江原人也明為太中大夫莽
李本作莽篡位歎曰不以一身事二主遂自煞皓
為美陽令去莽歸蜀公孫僭號使使聘
之皓乃自刎以頭付使者述慙怒誅其
妻子

侯剛哭漢 剛字直孟新繁人也為郎見
莽篡位佯狂負木斗守闕號哭莽使人
問之對曰漢祚無窮吾寧死之不忍事
非主也莽追煞之

劉本作負木升闕

李本作莽

斗字劉本李本作升而無守字

公卿絕脰亦縮節貫 王嘉字公卿江原
人為郎去莽還留蜀公孫述先閉其妻
子使人徵之嘉聞王皓死歎曰吾後之
哉亦自煞述慙貫其妻子

羅生美至思濟艱難述方遂非殘彼貞幹
羅衍字伯紀成都人也為述郎說述尚
書解文卿鄭文伯使諫述降漢為子孫
福解鄭從之述怒閉二子於薄室六年
二子守志不回遂幽死卒衍察孝廉徵
博士

劉主割據資我英俊鴻臚淵通與道推運
何宗字彥英耶縣人也通經緯天官推
步圖識知劉備應漢九世之運讚立先
主為大鴻臚方授公輔會卒

君肅矯矯類倬羣何祗字君肅宗族
人也初捷為揚洪為太守李嚴功曹去
郡數年以為蜀郡嚴在官祗為洪門下
書佐去郡數年以為廣漢洪猶在官是
以西土咸報諸葛亮之能攬拔秀異也
祗徙捷為太守卒

與前劉先生
文畧同

輔漢郎

朗

捷服時之懃

張裔字君嗣成都

劉季本作勤

人也汝南許文休稱其才鍾元常輩也
為輔漢將軍丞相長史丞相北征居府
統事足食足兵

劉季無此二字

太常清密邃遠鈎深杜瓊字伯瑜成都

人也師事任安粗通經緯術藝為太常

人李本作慎沉默慎密稱諸生之淳

休休衆彥殊途劉季本作塗同臻金聲玉振蜀之球琳

休休美也衆彥言此四十三人也易曰

殊塗同歸百行齊致貴於流光顯稱揚

名垂世此四十三人者雖立行不同俱以垂美如金玉之音器為世名寶

述蜀郡人士

敬司穆穆暢始玄終 敬司馬氏女五更

張伯饒妻也霸前妻有三男一女敬司

產一男撫教五子恩愛若一霸卒葬河

南敬司與諸子還蜀疾病遺令告諸子

曰舜葬蒼梧二妃不從汝父在梁吾自

在蜀亦各其志勿違吾勅也遂葬蜀子

光超稟母教為聘士也

霸有前妻則敬司非首妻矣漢官儀言三老五更皆取首妻亦有未盡然者。霸傳言當為五更會疾卒則其時已有後妻

叔紀婉婉十媛仰風 叔紀霸女孫也適

廣漢王尊至有賢訓事姑以禮生子商

海內名士廣漢周幹古朴彭緄漢中祝

龜為作頌曰少則為家之孝女長則為

家之賢婦老則為子之慈親終溫且惠

秉心塞淵宜謚曰化明惠母

公乘氏張兩髦義崇 公乘會妻廣都張

氏女也夫早亡無子故及兄弟欲改嫁

之張氏誓不許而言子不止乃斷髮割耳

養會族子事姑終身

助陳撫孩節篤分充 助陳臨邛陳氏女
捷為揚鳳珪妻也鳳珪亡養遺生子守
節兄弟必欲改嫁乃引刀割咽宗族駭
之幾死遂全其義

二常焯焯顏搆隆再元常靡常江原人也

元常廣都令常良女適廣漢便敬賓早
亡元常無子養賓族子父母欲嫁乃祝
刀誓志而死劉季本空一格靡常仲山女適成都殷仲
孫家曹疫氣死亡惟靡常在十八收葬
諸喪養遺生子立美成家

紀常哀哀精感昭融 紀常常侍常洽女

趙候夫人也父遇害在長安一兄皆先
沒遣父門生瞿登張順迎喪時寇賊蜂
起晝夜悲哀順登得將喪無恙還時人
皆以紀常精成所感

貢羅誓志 貢羅邛羅倩女景奇妻也奇

早亡無子父愍其年壯以許同邛何詩

貢羅白晝誓父不還家父使詩乃白州

州告縣逼遣之羅乃訴州刺史高而許
之

李本無奇字惠校加之

劉季本並作書

劉季本作愍

玳何忘生 玳何那何氏女成都趙憲妻

也憲早亡無子父母欲改嫁何恚憤自

幽乃不食旬日而死即縣為立石表

昭儀殉身 昭儀新繁張氏女廣漢朱叔

賢妻也賢為即督郵建安十九年劉主

園劉璋於成都賢坐謀外降璋以昭儀

配兵將見逼昭儀自殺三軍莫不哀歎

三姚見靈 劉季本作二廣柔長耶姚超二女姚妣饒

未許嫁隨父在官值九種夷反殺超獲

二女欲使牧羊二女誓不辱乃以衣連

腰自沈水中死見夢告兄慰曰姊妹之

喪當以某日至漑下慰寤哀愕如夢日

得喪郡縣圖象府庭

峨峨淑媛表圖銘旌 淑善媛婉婉也言

此十二女皆圖象列傳

述蜀郡列女

右蜀郡士女讚第一 凡五十五人 四十三人士 十二人女

此下脫巴郡士女讚第二



